

TARIKH	18/1/2015	MUKASURAT	38
HARI	AHAD	RUANGAN	MENUJU MENARA GADING

UNITEN bantu mangsa banjir

» Pelajar anjur kempen amal kumpul barang, wang

Oleh Siti Nurazlinee Azmi
sitinurazlinee@bh.com.my

Kejadian banjir besar yang berlaku di beberapa negeri baru-baru ini memang mengejutkan banyak pihak. Kejadian yang menyedihkan itu menyebabkan banyak rumah ditenggelami air, kemudahan awam rosak

teruk, keluarga terpisah, manusia dan haiwan menjadi korban.

Justeru, pelbagai pihak dikerah membantu memindahkan mangsa banjir di samping menyalurkan keperluan asas kepada mangsa banjir.

Bantu ringan beban

Sebagai sebahagian daripada tanggungjawab sosial, pelajar UNITEN turut hadir meringankan beban dengan menganjurkan kempen amal, Misi Bantuan kemanusiaan Mangsa Banjir UNITEN 2014.

Objektif utama kempen ini adalah untuk mengumpul derma, wang dan sebagainya. Di samping

membantu mangsa banjir, misi itu memupuk semangat sukarelawan dalaman kalangan pelajar.

Kempen yang dilancarkan pada 29 Disember 2014 sehingga 2 Januari 2015 anjuran oleh Majlis Perwakilan Pelajar UNITEN itu turut disertai beberapa persatuan lain.

Antara aktiviti yang diadakan termasuk, membuka gerai di sekitar kawasan kampus sebagai pusat pengumpulan koleksi barang dan wang yang dikumpul serta diserahkan kepada Jabatan Pertahanan Awam Malaysia (JPAM) untuk diagihkan kepada mangsa banjir.



Antara anggota Misi Bantuan Kemanusiaan Mangsa Banjir UNITEN 2014.

TARIKH	18/1/2015	MUKASURAT	38
HARI	ABAD	RUANGAN	MENUJU MENARA GADING



Pelajar UNITEN **mengumpul barang** untuk diserahkan kepada JPAM.



Pelbagai keperluan asas **diagih kepada mangsa banjir.**